



UNIVERSITY *of* LIMERICK

O L L S C O I L L U I M N I G H

Polasaí maidir le Cosaint Sonraí

Faofa ag an Údarás Ceannais an 26 Meitheamh 2015

Maidir leis an doiciméad seo agus aon aistriúchán foilsithe oifigiúil de, is ag an leagan Béarla a bheidh an forlámhas i gcás aon easaontacht léirithe a eiroidh.

1. AN AIDHM ATÁ LE POLASAÍ COSANTA SONRAÍ OLLSCOIL LUIMNIGH

- 1.1 Is é an aidhm atá leis an bPolasaí Cosanta Sonraí seo cearta agus príobháideacht aon duine a bphróiseálann an Ollscoil a gcuid sonraí pearsanta de réir na nAchtanna um Chosaint Sonraí a chosaint (an tAcht um Chosaint Sonraí 1988 agus an tAcht um Chosaint Sonraí (Leasú) 2003).
- 1.2 Tá Ollscoil Luimnigh ar a seacht dícheall ag iarraidh cearta agus príobháideacht daoine a chosaint de réir na nAchtanna um Chosaint Sonraí agus tuigtear na cearta a thugann na hAchtanna do dhaoine agus na freagrachtaí a chuireann na hAchtanna ar fhostaithe na hOllscoile a phróiseálann sonraí pearsanta ina gcuid oibre.

2. SAINMHÍNIÚ AR CHOSAINT SONRAÍ

- 2.1 Déanann na hAchtanna um Chosaint Sonraí foráil do shonraí pearsanta a bhailiú, a phróiseáil, a choinneáil agus a scríosadh ar deireadh ar bhealach slán, freagrach chun nach mbainfear aon mhí-úsáid astu.

2.2 Sonraí Pearsanta agus Sonraí Pearsanta Íogaire

- 2.2.1 Is éard is ‘sonraí pearsanta’ ann ná sonraí a bhaineann le duine beo is féidir a aithint ó na sonraí féin nó ó shonraí mar aon le heolas eile atá ag an Ollscoil.
- 2.2.2 ‘Tá sainmhíniú an-leathan ag ‘sonraí pearsanta’ agus áirítear leis, ach níl teoranta ag, ainm duine, céannacht fhiseolaíoch, eacnamaíoch, chultúrtha agus shóisialta, ainmneacha bréige, slí bheatha, seoladh etc.
- 2.2.3 Déantar idirdhealú sna hAchtanna idir ‘sonraí pearsanta’ agus ‘sonraí pearsanta íogaire’. Baineann ‘sonraí pearsanta íogaire’ le bunús eitneach nó ciniúil duine; tuairimí polaitiúla; creideamh reiligiúnach nó fealsúnach; sláinte fhisiciúil agus intinne; saol gnéis; ciontuithe coiriúla, a bheith líomhnaithe go ndearna sé/sí cion agus ballraíocht i gceardchumann.
- 2.2.4 Chun críche an Pholasaí seo, measfar go dtagraíonn ‘sonraí pearsanta’ do ‘sonraí pearsanta’ agus ‘sonraí pearsanta íogaire’ araon.
- 2.2.5 Féadfar sonraí pearsanta a choinneáil i bhfoirm leictreonach (e.g. ar ríomhaire, córas CCTV) nó i bhfoirm chrua.

2.3 Toiliú

- 2.3.1 Nuair a bheidh daoine ag tabhairt aon sonraí pearsanta don Ollscoil ní mór iad a chur ar an eolas faoin úsáid a bhainfear as na sonraí agus ní mór dóibh a dtailiú a thabhairt dó sin.

2.4 Sonraí Pearsanta a bhaineann le Daoine atá Básaithe

- 2.4.1 Is é an dea-chleachtas go gcoinnítear na sonraí pearsanta a bhaineann le duine básaithe agus go bpróiseáiltear iad ar an gcaoi chéanna is a dhéantar le sonraí pearsanta duine beo.

2.5 Sonraí Pearsanta gan ainm

- 2.5.1 Ní thagann sonraí pearsanta a bhailítear gan ainm nó nach féidir a aithint faoi riachtanais na nAchtanna um Chosaint Sonraí ná an Polasaí seo.

3. ÚSÁID SONRAÍ PEARSANTA IN OLLSCOIL LUIMNIGH

- 3.1 Chun a feidhmeanna a chomhlíonadh, caithfidh an Ollscoil (mar 'rialaitheoir sonraí') sonraí pearsanta áirithe faoi fhostaithe, mic léinn agus daoine eile a bhfuil teagmháil acu leis an Ollscoil a bhailiú agus a phróiseáil. Baineann na feidhmeanna seo le cúrsaí a eagrú agus a riaradh; scrúduithe; céimeanna agus dámhachtainí eile a bhronnadh; gníomhaíochtaí taighde cosúil le cloí le riachtanais chonartha na gcomhlachtaí maoinithe; mic léinn a earcú; lóistín do mhic léinn; fostaithe a earcú, a cheapadh agus a íoc; cloí le hoibleagáidí reachtúla; agus gníomhaíochtaí eile acadúla agus riaracháin riachtanacha.
- 3.2 Caithfear aon sonraí pearsanta a bhailíonn agus a phróiseálann an Ollscoil a choinneáil slán agus faoi rún daingean chun na hAchtanna um Chosaint Sonraí a chomhlíonadh.
- 3.3 Caithfidh aon fhoráil don Ollscoil, mar 'rialaitheoir sonraí', tríú páirtí a úsáid (mar 'phróiseálaí sonraí') a bheith faoi réir comhaontú scríofa. Caithfear gach comhaontú atá beartaithe idir an Ollscoil agus tríú páirtí a fhorbairt i gcomhar le hOifig an Rúnaí Chorparáidigh.

4. SONRAÍ PEARSANTA A PHRÓISEÁIL

- 4.1 Cuireann reachtaíocht um Chosaint Sonraí roinnt srianta ar an gcaoi a bhféadfaidh an Ollscoil sonraí pearsanta a phróiseáil.
- 4.2 Caithfidh an Ollscoil sonraí pearsanta a láimhseáil de réir na n-ocht prionsabail um chosaint sonraí atá sonraithe sna hAchtanna mar seo a leanas:
- (a) Na sonraí pearsanta a fháil agus a phróiseáil go cothrom;
 - (b) A choinneáil do chuspóirí dleathacha áirithe amháin;
 - (c) A úsáid agus a thaispeáint ar bhealaí a thagann leis an gcaoi ar cuireadh na sonraí sin ar fáil;
 - (d) A choinneáil slán, sábháilte;
 - (e) A choinneáil cruinn, iomlán agus cothrom le dáta;
 - (f) A chinntiú go bhfuil siad leordhóthaineach, cuí agus nach bhfuil siad thar fóir;
 - (g) Gan iad a choinneáil níos faide ná mar is gá do na cuspóirí sonraithe;
 - (h) Cóip dá s(h)onraí pearsanta a thabhairt do dhuine, ar iarratas.

5. FREAGRACHTAÍ FHOSTAITHE NA HOLLSCOILE

- 5.1 Baineann an Polasaí seo le gach roinn, oifig, aonad, ionad taighde agus limistéar oibre ar cuid den Ollscoil iad agus baineann sé le gach sonraí pearsanta a phróiseálann an Ollscoil.
- 5.2 Cé go bhfuil an Ollscoil ina hiomláine freagrach as a chinntiú go gcomhlíontar na hAchtanna um Chosaint Sonraí, tá Ceann gach limistéar Acadúil/Riaracháin/Príomhthaighdeoir¹/Stiúrthóir² freagrach as an bPolasaí seo a chur i bhfeidhm chun a chinntiú go bhfuil dea-chleachtas i leith láimhseáil sonraí i bhfeidhm chun sonraí pearsanta a choinneáil faoi rún ina limistéir féin.
- 5.3 D'ainneoin an méid sin thuas, tá freagracht ar gach fostaí de chuid na hOllscoile, a bhailíonn nó a úsáideann sonraí pearsanta mar chuid dá ndualgais, a chinntiú go bpróiseálann siad na sonraí pearsanta de réir na gcoinníollacha atá leagtha síos sa Pholasaí seo, i Rialacháin Chosanta Sonraí na hOllscoile, sna hAchtanna Cosanta Sonraí agus in aon pholasaí/rialachán/nós imeachta cuí eile de chuid na hOllscoile.

5.4 Rialacháin Chosanta Sonraí Ollscoil Luimnigh

- 5.4.1 Chun cuidiú le fostaithe an Polasaí seo a chur i bhfeidhm, tá na Rialacháin Chosanta Sonraí le fáil ag www.ul.ie/dataprotection. Leagann na rialacháin seo amach príomhréimsí oibre na hOllscoile sa chás ina bhféadfadh fadhbanna cosanta sonraí teacht chun cinn agus leagtar amach an dea-chleachtas chun déileáil leo.

6. NÓS IMEACHTA I GCÁS SÁRÚ AR SHONRAÍ PEARSANTA

- 6.1 Is féidir sárú ar shonraí pearsanta a shainmhíniú mar eachtra ina ndéantar sonraí pearsanta a roinnt, a chailleadh, a scriosadh nó a athrú gan údarú trí, mar shampla, fearas soghluaiste a chailleadh nó a bheith goidte, iad a roinnt trí thimpiste trí ríomhphost nó córas leictreonach eile, taifid chrua a chailleadh etc.
- 6.2 I gcás sárú ar shonraí pearsanta, caithfear Oifig an Rúnaí Chorporáidigh ar chur ar an eolas ar an bpointe (teagmháil: Oifigeach Faisnéise & Comhlíontacháin, Fólíne: 4393; ríomhphost: dataprotection@ul.ie). Cinnteoidh Oifig an Rúnaí Chorporáidigh, nuair is gá agus is cuí, go gcuirfear an t-ábhar sonraí agus Oifig an Choimisinéara Cosanta Sonraí ar an eolas taobh istigh de dhá lá ar a mhéad ón sárú tarlú mar is gá de réir 'Chód Cleachtais um Shárú ar Shláindáil Sonraí Pearsanta' an Choimisinéara Cosanta Sonraí (atá le fáil ar www.dataprotection.ie).

¹ **Príomhthaighdeoir:** Fostaí de chuid na hOllscoile atá freagrach as togra taighde a dhearadh, a chur i bhfeidhm, a chur i gcrích agus a bhainistiú.

² **Stiúrthóir:** Fostaí de chuid na hOllscoile a fhaigheann iarchéimí taighde agus iad ag tosú ar thogra taighde iarchéime. Tá an stiúrthóir freagrach as gníomhaíochtaí acadúla agus taighde an iarchéimí mar a mhínítear i gCuid 5 de Handbook of Academic Regulations and Procedures (Research Postgraduate Academic Regulations) Ollscoil Luimnigh.

- 6.3 Má sháraítear téarmaí agus coinníollacha an Pholasaí seo agus Rialacháin Chosanta Sonraí na hOllscoile (atá le fáil ar www.ul.ie/dataprotection) d'fhéadfaí damáiste mhór a dhéanamh de cháil na hOllscoile agus d'fhéadfadh sí íoc go daor as agus d'fhéadfaí Reacht Uimh. 4 d'Ollscoil Luimnigh: 'Nithe a bhaineann le hAraíonacht Fostaithe agus Foirceannadh Fostaíochta' a bheith glaoite.

7. IARRATAIS ROCHTANA AR ÁBHAR SONRAÍ

- 7.1 Faoi na hAchtanna um Chosaint Sonraí, tá ábhar sonraí i dteideal iarratas a dhéanamh ar a sonraí pearsanta atá coinnithe ag an Ollscoil. Tá nósanna imeachta na hOllscoile agus foirm iarratais ar ábhar sonraí le fáil ag www.ul.ie/dataprotection/makerequest.

8. ATHBHREITHNIÚ

- 8.1 Athbhreithneofar an Polasaí seo go rialta má dhéantar aon leasú ar an reachtaíocht.